

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVICI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovic.gov.ba, Web:www.banovici.gov.ba

Broj: 01-05-1542/16- 6

Datum: 30. 11. 2016. godine

Na osnovu člana 64. stav 1. tačka b., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06), člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-1542/16-5 od 24.11.2016. godine u postupku javne nabavke radova „Izvođenje radova na rekonstrukciji i dogradnji vodovoda u MZ Banovići Selo- Selo II, općina Banovići“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavke broj: 01-05-1542/16-5 od 24. 11. 2016. godine i Ugovor za javnu nabavku radova „Izvođenje radova na rekonstrukciji i dogradnji vodovoda u MZ Banovići Selo- Selo II, općina Banovići“ dodjeljuje ponuđaču „Š.F.-INŽENJERING“ d.o.o. Tuzla, sa sjedištem u Tuzi, ulica Turalibegova broj22., ponuda broj: 54/16-II, za ukupnu ponuđenu cijenu sa popustom od **210.413,78 KM bez PDV-a** , odnosno **246.184,12 KM sa uključenim PDV-om**, kao najbolje ocijenjenom ponuđaču.

Član 2.

Prijedlog Ugovora o nabavci usluga dostavit će se na potpis izabranom Ponuđaču iz člana 1. ove Odluke po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14).

obrazloženje

Odlukom o pokretanju postupka javne nabavke radova broj: 01-05-1542/16 od 27. 09. 2016. godine donesenom od strane ovog organa pokrenut je postupak javne nabavke radova „Izvođenje radova na rekonstrukciji i dogradnji vodovoda u MZ Banovići Selo- Selo II, općina Banovići“ . Predmetna javna nabavka predviđena je Planom javnih nabavki općine Banovići za 2016. godinu, broj 01-05-1681/2015 od 28. 12. 2015. godine, evidencijski broj: 118/16, Izmjene i dopune plana javnih nabavki, broj 01-05-1449/16 od 05.09.2016.godine, evidencijski broj 3i.3.

Javna nabavka usluga sprovedena je otvorenim postupkom javne nabavke.

Procijenjena vrijednost javne nabavke bez PDV-a je 250.000,00 KM.

BROJ OBJAVJEŠTENJA O NABAVCI SA PORTALA JAVNIH NABAVKI: 1220-1-3-165-3-55/16 od 10. 10. 2016. godine,

TENDERSKA DOKUMENTACIJA OBJAVLJENA JE NA PORTALU JAVNIH NABAVKI <https://www.ejn.gov.ba> dana 10.10.2016. godine

ISPRAVKA OBJAVJEŠTENJA O JAVNOJ NABAVCI OBJAVLJENA NA PORTALU JAVNIH NABAVKI:

<https://www.ejn.gov.ba>: BROJ 1220-1-3-165-8-57/16 od 12.10.2016.godine

PODACI O OBJAVI U SLUŽBENOM GLASNIKU BIH: Sažetak obavještenja o nabavci radova i Sažetak ispravke obavještenja o nabavci radova objavljeni su u „Službenom glasniku BiH“ broj 81/16

JRJN OZNAKA PREDMETA 45232151-5

JRJN NAZIV PREDMETA JAVNE NABAVKE Radovi na obnovi vodovodne mreže

Komisija za javnu nabavku imenovana je rješenjem Općinskog načelnika broj 01-05-1587/16 od 11. 10. 2016. godine i rješenjem broj 01-05-1707/16 od 14.11.2016. godine, ovom organu dostavila je dana 28. 11. 2016. godine Zapisnik o ocjeni ponuda broj: 01-05-1542/16-4 od 24. 11. 2016. i Preporuku o izboru najpovoljnijeg ponuđača broj: 01-05-1542/16-5 od 24. 11. 2016. godine u postupku javne nabavke radova „Izvođenje radova na rekonstrukciji i dogradnji vodovoda u MZ Banovići Selo- Selo II, općina Banovići“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda četiri (4),

- da je zaprimljeno 4 (četiri) blagovremene ponude i to kako slijedi:

1. Konzorcij DŽEVKOMERC INŽINJERING d.o.o. Zavidovići, sa sjedištem u Zavidovićima, ulica Dubravački put bb (predstavnik grupe ponuđača) i „DKM GRADNJA“ Maglaj d.o.o. sa sjedištem u Maglaju, ulica Bunarska bb
(datum predaje ponude 23. 11. 2016. godine; vrijeme predaje ponude 11: 20 h),
2. „ROADING“ d.o.o. Gračanica, sa sjedištem u Gračanica, ulica Sprečanski put bb
(datum predaje ponude 23. 11. 2016. godine; vrijeme predaje ponude 11: 25 h)
3. „Š.F.-INŽENJERING“ d.o.o. Tuzla, sa sjedištem u Tuzi, ulica Turalibegova broj 22
(datum predaje ponude 23. 11. 2016. godine; vrijeme predaje ponude 11: 35 h),
4. „GPP BANOVIĆI „ d.o.o. Banovići sa sjedištem u Banovićima, ulica Armije BiH broj 36.
(datum predaje ponude 23. 11. 2016. godine; vrijeme predaje ponude 11: 47 h),
5. „TEHNOINŽENJERING“ d.o.o. Tuzla, sa sjedištem u Tuzli, ulica D Brdo broj 31.,
(datum predaje ponude 23. 11. 2016. godine; vrijeme predaje ponude 11: 59 h)

- da je jedna ponuda ocijenjena kao neprihvatljiva i to ponude ponuđača „TEHNOINŽENJERING“ d.o.o. Tuzla.

Ponuda ponuđača „TEHNOINŽENJERING“ d.o.o. Tuzla. ocijenjena je kao neprihvatljiva iz razloga kako slijedi:

Ponuđač „TEHNOINŽENJERING“ d.o.o. Tuzla ponudu broj 79/2016-TI nije dostavio na način propisan Tenderskom dokumentacijom. Isti je ponudu dostavio u dvije odvojene zatvorene koverta na kojima je naznačeno „ORIGINAL PONUĐE“ I „KOPIJA PONUĐE“ te iste prozirnom samoljepljivom trakom spojio (original i kopija ponude nisu dostavljeni-upakovani u odvojenim zatvorenim kovertama sa naznakom da se radi o originalu ili kopiji ponude, a koje su tako upakovane potom trebale biti zapakovane u jednu zatvorenu kovertu i tako upakovane poslate na adresu naznačenu u TD, nego su obje (i original i kopija ponude) dostavljene u odvojenim zatvorenim kovertama, te potom zalijepljene prozirnom samoljepljivom trakom što je suprotno odredbama TD).

Iz navedenog razloga ponuda ponuđača je neprihvatljiva.

Također, ponuđač „TEHNOINŽENJERING“ d.o.o. Tuzla nije izvršio označavanje stranica ponude tj. nije izvršio numeraciju ponude, a što je obaveza prema odredbama Tenderske dokumentacije.

Iz navedenog razloga ponuda ponuđača je neprihvatljiva.

Dakle, Ponuđač nije dostavio ponudu upakovanu i numerisanu/označenu na način predviđen u Tenderskoj dokumentaciji, te je ponuda iz navedenih razloga ocijenjena kao neprihvatljiva.

- Da su preostale tri ponude ocijenjene kao ispravne i prihvatljive.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač „Š.F.-INŽENJERING“ d.o.o. Tuzla, sa sjedištem u Tuzi, ulica Turalibegova broj 22.najbolje ocijenjen na osnovu kriterijuma najniže cijene, koja je ponuđena u ukupnom iznosu od 210. 413,78 KM bez PDV-a ponuda broj: 54/16-II, dok su ostali ponuđači čije su ponude ocijenjene prihvatljivima ponudili cijene kako slijedi:

Redni broj i firma ponuđača	Ukupna cijena u KM (bez PDV-a)	Popust % ili KM	Ukupna cijena sa popustom u KM (bez PDV-a)
4. „GPP BANOVIĆI „ d.o.o. Banovići	236.578,39 KM	23.657,84 KM	212.920,55 KM
2. „ROADING“ d.o.o. Gračanica	244.934,06 KM	0	244.934,06KM
1. Konzorcij DŽEVKOMERC INŽINJERING d.o.o. i „DKM GRADNJA“Maglaj d.o.o.	339.538,68 KM	29%	241.072,46 KM

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

- 1x Svim ponuđačima koji su učestvovali u postupku JN
- 1x U spis
- 1x a/a



OPĆINSKI NAČELNIK

Mijat Husić
Mijat Husić